

清季外交史精

卷三十九至卷四十
二十一

讀書錄

卷之十

清季外交史料

附索引及西巡大事記



中華民國二十一年一月

總發行 王希隱

北平迺茲府關東甸七號

版權所有 翻印必究

清季外交史料卷三十九

光緒十年正月至三月上

目錄

粵撫倪文蔚奏法陷山西粵軍失利當獎率將士力圖綏靖摺正月

初十日

桂撫徐延旭奏布置北寧各路防軍迅圖恢復摺附上諭十三日

旨寄岑毓英着節制諸軍和衷商辦電十八日

旨寄徐延旭調度乖方致北寧失陷着革職留任並收集敗軍儘力

抵禦電十九日

滇督岑毓英奏籌畫防禦情形摺旨諭二十一日

桂撫徐延旭奏法人窺犯北寧官軍添募勇營竭力抵禦摺二十二日

桂撫徐延旭奏越南山西失陷後教民蠶起當加意嚴防片二十二日

直督李鴻章奏改訂朝鮮貿易章程摺附朝鮮王咨文二月十九日

諭彭玉麟等北寧失陷官軍退至太原着籌備海防電十九日

桂撫徐延旭奏北寧失陷情形摺二十一日

桂撫徐延旭奏法據郎甲現飭唐景崧等駐紮長慶府以遏兇鋒片

二十一日

桂撫徐延旭奏北寧守禦尚可無虞現調營勇西聯滇軍東防江口

摺附旨二十四日

彭玉麟張樹聲倪文蔚奏欽靈山險不便進兵摺二十七日

諭彭玉麟等着派兵援越並固瓊防電二十八日

諭彭玉璣張樹聲倪文蔚法攻太原着速籌備禦電二十九日

旨寄潘鼎新太原失守徐延旭拿問桂撫着潘鼎新署理電二十九日

諭張凱嵩署滇撫並將唐炯革職拿問電二十九日

滇督岑毓英奏法攻北寧派兵往援摺附旨三月初一日

桂撫徐延旭奏法兵犯芹驛關現飭各軍竭力堵禦摺初十日

桂撫徐延旭奏法兵攻破扶良業經竭力堵擊並請交部嚴議摺附

旨三月十二日

滇督岑毓英奏遵旨增募勇營分道進取請撥協餉摺十三日

清季外交史料卷三十九

黃巖弼夫王彥威輯

男希隱亮編

孫孝章敬立校

粵撫倪文蔚奏法陷山西粵軍失利當獎率將士力圖
綏靖摺

廣東巡撫倪文蔚奏爲欽奉諭旨恭摺覆陳事竊臣於光緒九年十一月二十日在西撫任內欽奉上諭以內閣學士周德潤籌議攻取機宜摺片飭令酌度妥辦臣遵將原片悉心審度所稱火攻之策固爲切要惟劉永福本係陸軍若令招集水師用違其長恐難得力且轉瞬冬初

將盡南交節候甚早火攻之計亦恐難施臣當卽函商徐延旭相機因應去後旋於二十八日交卸廣西撫篆起程赴東初十日臣行次蒼縣屬之界首鎮接准徐延旭函稱越南之山西省已於十一月十七日被法人攻陷劉永福退軍興化官軍傷亡二百餘人軍火糧餉遺棄殆盡臣接信之餘不勝憤懣其詳細情形徐延旭必已據實馳奏臣查法軍屢摧於劉永福矢志報復前於丹鳳開修礮路直抵河內寬皆逾丈此次山西被陷徐延旭來函雖未縷述情形臣遙度事勢必彼礮路修成礮車得以馳騁是以各軍力難抵禦臣於十二月三十日奏報邊情曾陳明刻須分軍進紮使彼礮車之路不得就最爲要圖前聞彼族在海陽開修大路兩條一通河內一通北寧臣頃復飛致徐延旭亟宜設法

掘毀其路始可操制勝之權岑毓英現又奉命籌邊計程應已馳抵防
所該督智勇深沉必能審機應變力圖進取臣現於十二月十五日接
篆東省海防節經尙書臣彭玉麟督臣張樹聲次第布置已有條理法
人既有山西之勝洋報張大其詞各國不無冀倖之心東省防務尤當
示以鎮靜臣惟有恪遵訓諭隨時與彭玉麟張樹聲和衷商辦開誠布
公獎率湘淮各軍將士聯絡紳團俾衆志成城緩急足恃冀副聖主思
患豫防綏靖海疆之至意謹奏光緒十年正月初十日奉旨知道了

桂撫徐延旭奏布置北寧各路防軍迅圖恢復摺

附上諭

廣西巡撫徐延旭奏爲布置北寧各路防軍嚴加扼守督飭劉團迅圖
恢復懇請飭下滇軍先行會規山西並東師仍攻海陽各情形事竊臣

前將調撥勇營馳赴前敵法人攻破越南山西省城北寧嚴密扼防分別添募添調懇飭廣東滇閩合圖掃蕩各情形密陳在案臣自得山西警報並准督臣函示總署電寄法人行險僥倖之語節經函致左右兩路統領提督黃桂蘭道員趙沃督率各營加意嚴防隨時警備旋據覆稱芹驛慈山涌球皆要隘之地業派副將党敏宣督帶八營扼守芹驛關三江口總兵陳德朝督帶四營扼守慈山前路副將周炳林督帶四營扼守慈山後路提督陳朝綱督帶四營扼守涌球而以兩營守北寧以兩營守諒江另以精銳先鋒三營爲游擊之師分等挑選奮勇以備迎仗並加增木石填塞月德江口遏敵輪船來路又經趙沃自至各紮營處所周歷察看督飭挖濠立營安放地雷併沿河添築礮臺備轟輪

舶臣復催令趕緊備禦完固又慮涌球諒江兵力尙單復催前添調募各營迅速出關馳赴前敵協助分守並有南官張登壇固順城錦江多福縣之防刻下均能穩守北寧後路當可無虞山西之戰法人驅教民當先繼以西貢巴衣馬打及真正法人約八九千人雖得破山城而爲劉團及滇粵各軍所斃者實不下三千餘人洋官二十餘人凡各鬼尸多已用船裝回河內黑人向法索葬費不允乞以船送回國又不允開焚火藥庫斃黑白人二百餘各項礮子亦炸裂不少兩路統領轉據原派內應及南官所報皆同臣以彼旣內訌機正可乘復切囑前用間密探以守爲攻劉永福退紮興化後經臣迭次委解鎗礮子藥偪碼餉銀爲整頓部曲之用本月初二日劉永福遣其營官韓再勳率數百人轉

戰而至北寧請領餉械因金屯鶴一帶均有教民阻截路不疏通皆不敢多携適雲南撫臣唐炯函告業由新安起程暫住保勝臣因覆請唐炯先爲劉團就近接濟軍火餉項俾得及時圖功旋接主事唐景崧函稱現有總兵丁槐所部滇軍五營來到興化因商請先固第二重門戶又據黃桂蘭趙沃函報黑旗營官黃守忠帶勇千餘撲攻山城斃敵甚多南策府義民兩次擊退法人輪船南官謝現督南定義民戰勝法人擒其總理各等情經臣查探屬實復飭唐景崧加意激勸劉永福趕緊整齊舊部迅圖恢復山西併分飭各路聯絡義旗互爲援應雲貴督臣岑毓英勇於任事現蒙聖慈俯如所請必能聞命即行臣尤不勝欣幸惟臣初四日接准督臣張樹聲函示有越都戡亂之役正月初八日復

准來咨已奉改派岑毓英前往臣查越都之事一謂嗣王因法人日偏欲治議和諸臣之罪因而施鳩矯太妃之命立前王三子年十四歲一謂嗣王私迎洋人入城各臣請其太妃廢之而立前王三子名膺登者年十七歲嗣王因而仰藥自盡臣前以此皆出自傳述其說紛歧故未敢遽以入奏接准前因復切致兩路統領密查南官張登壇仍前兩說並云清化道梗尙無明文該國世守藩封自應遵旨查辦惟查由越南興化赴其國都必取道山西河內寧平各省即迂道而行亦不出此數省所屬皆爲後路現又皆爲法所據實不能不通盤籌畫臣竊維越南數月之間兩易其主或亦該國氣運使然況其嗣王猶未奉天朝冊封揆以春秋大義尙在未成君之列法人之以越南改立嗣王及山西之

戰急登電報者無非欲以誇示中外驚駭聽聞督撫爲中國重臣值此強敵四據藩京受制之時豈宜輕入越都忽置後路於不顧臣讀迭次電旨飭岑毓英隨時相機務臻妥愼而又蒙諭張樹聲派得力將領帶勁兵以實南關後路固知聖慮備極周詳現在滇軍已有數營進紮興化岑毓英大隊併將繼至南關一面臣亦布置粗定楚軍仍從此出惟東路頗覺空虛若東省之師由欽靈一帶出攻海陽會合滇粵楚軍約期並舉彼必不能兼顧但得下其山西海陽一二城河內寧平必易收復河內旣復法人將不擊自走彼時仍由正路直達越都問罪正名擇賢嗣位越之陪貳敢不聽從合無仰懇天恩飭下岑毓英先行合圖規復山西並仍乞諭張樹聲檄行派出將領勇營改道東出以示朝廷聲

罪致討先其所急之至意謹奏光緒十年正月十三日奉上諭徐延旭奏布置北寧各路防軍嚴加扼守請飭籌解一摺覽奏均悉北寧各路要隘經徐延旭飭黃桂蘭等分別布置該撫務當督飭各營修禦完固岑毓英計早到防兵力較厚即着會商徐延旭分飭滇粵各軍疏通道路迅速進兵互相援應彼族狡謀叵測時時窺伺北寧尤宜穩慎扼紮毋爲所乘並激勵劉永福一軍趕緊整頓規復山西着張樹聲傳令方長華迅速到防欽州一帶路僻難行據奏稱廣東官軍由欽靈進攻海陽是否可行仍着張樹聲酌度辦理王德榜軍餉昨已據左宗棠奏由江西及兩淮運司每月各撥解銀二萬兩並令康國器籌捐接濟矣

旨寄岑毓英着節制諸軍和衷商辦電

旨寄岑毓英已抵保勝亟應親往興化一帶查勘布置邊外各軍心志未齊必當有所統攝以一事權所有徐延旭統帶各營及各路調防各軍均着歸岑毓英節制調度徐延旭仍當和衷商辦不得稍存意見致誤戎機本日據內閣學士周德潤奏請飭滇粵分兵收取興化等七省納其租賦以餉戰士而養義民並令劉永福楊著恩黃守忠梁俊秀等各遣兄弟子姪二三人効力滇營編入親軍以示羈縻等語着岑毓英徐延旭妥籌辦理方長華一軍可否由欽靈一帶前進着彭玉璽張樹聲斟酌地勢催令迅速到防毋得遲延

正月十八日

旨寄徐延旭調度乖方致北寧失陷着革職留任並收

集敗軍儘力抵禦電